



Služba za investicije, komunalno-stambene i poslove mjesnih zajednica

Broj: 03-23-1-3130/19
Lukavac: 23.09. 2019. godine

Služba za investicije, komunalno-stambene i poslove mjesnih zajednica, općine Lukavac u predmetu izdavanja odobrenja za izmjenu režima saobraćaja, na osnovu člana 200. Zakona o upravnom postupku „Službene novine FBiH“, broj 2/98. i 48/99.), člana 5. i člana 31. Odluke o nerazvrstanim cestama i ulicama na području općine Lukavac („Službeni glasnik općine Lukavac“, broj 7/18.) donosi:

RJEŠENJE

Odobrava se potpuna obustava saobraćaja u ulici **Trg slobode** radi izvođenja radova na realizaciji projekta „Odvodnja oborinskih i otpadnih voda u gradu Lukavcu“. Naručilac posla je Općina Lukavac a izvođač radova su firme „ROADING“ doo Gračanica, „JATA GROUP“ doo Srebrenik i „PUTOVI“ doo Grude.

Obustava saobraćaja se odobrava u periodu od 24.09.2019. do 24.10.2019. godine.

U vrijeme potpune obustave odvijanja saobraćaja isti će se odvijati slijedećim alternativnim pravcima: ulica Lukavačkih brigada – skretanje prema Zavodu zdravstvenog osiguranja, privremeno se uklanja znak za jednosmjernu ulicu (radi slobodnom prilazu stambenim i garažnim prostorima kao i općinskom parking prostoru); ulica Lukavačkih brigada skretanje u ulicu Muhameda Hevaija Uskufija pa zatim u ulicu Patriotskog fronta, kao alternativa za slobodan pristup Centru II općine Lukavac.

Regulisanje saobraćaja zbog nesmetanog odvijanja radova vrši se postavljanjem adekvatne vertikalne saobraćajne signalizacije. Za dana kada zbog vremenskih prilika ili drugih razloga nema izvođenja radova, izvođači radova se obavezuju da osposobe jednu saobraćajnu traku na Trgu slobode za nesmetano odvijanje saobraćaja. Takođe, izvođači radova se obavezuju da kada tehničke mogućnosti dozvoljavaju u večernjim satima obezbijede nesmetan saobraćaj jednom trakom na Trgu slobode uz maksimalno obezbjeđenje izvedenih rovova na saobraćajnici. U slučaju hitnih intervencija policije, vatrogasaca i hitne pomoći izvođači radova su dužni obezbijediti prolaz vozilima istih.

Pripadnici Policijske uprave Lukavac vršit će redovnu kontrolu privremeno postavljene saobraćajne signalizacije i njeno poštivanje od strane učesnika u saobraćaju, kako ne bi dolazilo do problema na dijelu ulice gdje se izvode radovi.

Služba za inspekcijske poslove općine Lukavac izvršit će kontrolu privremeno postavljene saobraćajne signalizacije i ukoliko ista ne bude adekvatna narediti hitno oticanje nedostataka, a po potrebi, u slučaju nepoštivanja naloga i obustaviti radove i narediti uklanjanje postavljanje privremene saobraćajne signalizacije.

Sve štete koje nastanu izmjenom režima saobraćaja, a zbog propusta izvođača radova učesnicima u saobraćaju i drugim licima, snosit će izvođači radova.



OBRAZLOŽENJE

Firme „ROADING“ doo Gračanica, „JATA GROUP“ doo Srebrenik i „PUTOVI“ doo Grude obratili su se ovoj Službi 20.09.2019. godine sa zahtjevom za potpunu obustavu saobraćaja u ulici Trg slobode u periodu 24.09.2019. do 24.10.2019. godine, radi izvođenja radova na realizaciji projekta „Odvodnja oborinskih i otpadnih voda u gradu Lukavcu“.

Članom 31. Odluke o nerazvrstanim cestama i ulicama na području općine Lukavac utvrđeno je da upravitelj cesta između ostalog izdaje odobrenje za privremenu izmjenu režima saobraćaja na cestama. Izvođač radova je obavezan da postavljanjem odgovarajuće saobraćajne signalizacije obavijesti učesnike saobraćaja o izmjeni režima saobraćaja, kako je to navedeno u dispozitivu ovog rješenja.

Služba za investicije, komunalno-stambene i poslove mjesnih zajednica, općine Lukavac je utvrdila alternativne pravce odvijanja saobraćaja: ulica Lukavačkih brigada – skretanje prema Zavodu zdravstvenog osiguranja, privremeno se uklanja znak za jednosmjeru ulici (radi slobodnom prilazu stambenim i garažnim prostorima kao i općinskom parking prostoru); ulica Lukavačkih brigada skretanje u ulicu Muhameda Hevaija Uskufija pa zatim u ulicu Patriotskog fronta, kao alternativa za slobodan pristup Centru II općine Lukavac.

Na osnovu naprijed navedenog, rješeno je kao u dispozitivu ovog rješenja.

Protiv ovog rješenja može se izjaviti žalba u roku od 15 dana od dana prijema rješenja. Žalba se podnosi putem ove Službe, Komisiji za rješavanje u drugostepenom postupku, neposredno pismeno, usmeno na zapisnik ili se šalje poštom taksirana sa 10,00 KM administrativne takse.

A.H



Dostaviti:

- Izvođaču radova
- Policijska uprava Lukavac
- Odsjek za inspekcijske poslove
- Evidencijski
- Arhivi